

DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

manè discutienda, in Scholis Medicorum, die Jovis
vigesima-octava Februarii M. DCC. XXXII.

M. JOANNE HERMENT,

Consiliario, Medico Regis Ordinario,

Doctore Medico, Præside.

An prægnanti Apoplexiâ correpta Partus manu promovendus?

I.



NÆ dolenda prorsus atque infelix sceminarum conditio! Quot & quantis undique calamitatibus circumcluduntur? Illas non modò viris communes morbi, sed & ducenti peculiare accessunt. Siccine generis humani parentes habentur? Siccine Natura æquo jure sua dispertitur munera? Factum iniquè clament omnes. Scruteris, amabo, diversa vitæ mulierum tempora: singula malorum pullities. Molestias, angores, fastidia, curas, sollicitudines, quærimonias, tædia, dolores, cruciatus ubique animadvertere est. Crescit & firmescit tenellum corpus? Crescunt, augescunt & incommoda. Adventantem pubescendi ætatem expectat horrenda Symptomatum Syndrome. Debito jam potitur corpus augmento? Menses tentant molimina. Hinc lassitudines, cephalalgia, torpores, cardialgia, nausæ, vomitus, dyspnæ, viscerum tensiones, nonnisi sanguinis effluxu fuganda. Nullum per vias à Natura dicatas cruori patet iter? Innumera statim se produunt mala. Hysterici invadunt insultus; Sanguis canalibus suis contineri haud potens, huc & illuc appellit. Modò ad cerebrum raptus, comatosos epilepticosque accersit affectus; modò fractis ventriculi, vel pulmonum vasis, affatim evomitur atque expuitur. Nunc inductâ Chlorosi marcescit corpus: Nunc idem, superveniente Ictero, tetrâ tingitur flavedine. His obnoxia malis virginum ætas. At dum minima. Quanta secum trahit vita conjugalis incommoda! *Partheniacorum* morborum finis sæpè licitj complexus: sed ne victoriam cantitent. Dum Charybdim vitant, in Scyllam præcipites ruunt. Virginum Syren matrimonium: sub caducis quæ præmonstrat liliis horrida latent spineta, Concepit mulier? En mutato fluidorum motu, mu-



catà solidorum oscillatione, inandita appetit, perpetuo torquetur vomitu. Progrediente graviditate addunt se comites difficilis & anhelosa respiratio, dolor lumbos & inguina assidue disercians. Varicosi oboriuntur in cruribus tumores; in lotio retinendo vel excernendo labor ingens; alius aut intensius stricta, aut dyarrhœa colliquescit. Tot ac tam diris absentibus symptomatis, nihil prægnanti metuendum putares? Illis remotis, felicissimum partum dejerares? Cave, ne te malus auferat error. Paucis concessum ad ultimam usque gestationis diem feliciter pervenire; ipso sæpe in portu naufragium faciunt gravidæ. Imò si acuto morbo corripitur prægnans, vix sine partu ab eo liberari potest.

I I.

I NTER acutos quibus obnoxia prægnantes, Apoplexiam recenseas. Hac periculosissus nihil. Ubi gravidam invadit, vix de matre & fœtu quidquam speraveris. Plurima in prægnante prædicunt Apoplexiam omina. Quidam ex aliqua parte, præsertim ex infimo ventre, vapores ad caput efferri videntur, cuncta apparent circumagi; caput ingenti & subito percutitur dolore; facies intense rubescit; oculi præ turgescentiâ prominent, iidem vertiginosi, caligantes micantibusque scintillis delusi; invicta in somnum propensio. Apoplexiam præsentem dira indicant symptomata. Egra jacet immota, triste adstantibus spectaculum; stupor omnes artus obsidet. Vox strangulatorum rugitus æmulatur; anhelosa stertorosaque respiratio, debilis aliquandò, sæpè interpolatè perficitur. Pulsus respirationis vicibus accuratè respondet; spuma ex ore effunditur; marcescunt oculi: sudor frigidus emanat undique. Atrox ille affectus quoscunque aggreditur; sæpius tamen viros quàm fœminas; ex his prægnantes facillius obedit, semelque obsessas ægrius dimittit. Quot cheu! novæ prolis spe lætas immisericorditer depopulatur Apoplexia? Exhorrueris. Quò propius ad gestationis terminum accedunt fœminæ, eò magis periclitantur. Quosdam Apoplexiâ percussos sanari contingit; ex prægnantibus vix unam. Nec mirum: quæ illis prompta profunt auxilia, his ne partum quidem conferunt; quin & matrem & fœtum Orco demittunt. Hujus rei causam sollicitus expiscaris? Babylonios scrutaris numeros? At desine: ratio non occulta, Quemquamne latet gravidarum status? Nescire nefas. Crescente fœtu, crassescendo dilatatur uterus; totum pelvis cavum replet: undequaque cuncta premuntur abdominis viscera. Ipsamet vasa sanguifera veluti strangulata cruorem admittere non possunt. Obrutus uteri mole venarum Iliacarum truncus, & ab ipsis orientes rami sanguinem in se per arterias transfatum nequeunt revehere. Ubique inferioribus in arteriis obices, ubique remora sanguini non superabiles. Nihilominus interea perficitur Chylosis & Hæmatosis. Aufeſcens valdè cruoris copia vasa plus æquo distendit, & eò versùs ubi minor pressio resistit atque defertur. Hinc per Carotides & vertebrales Arterias cerebrum impetit, replet, premit, & Apoplexiam inducit. I nunc & vulgaribus armis morbum aggredere: cassà omnia deprehendes.

I I I.

S OLITA adversus Apoplexiam remedia sanguinis missio, Emetica, Cathartica, Ptarmica: optima quidem. Quid autem prægnanti Apoplecticæ proderunt? Venam in brachio pertundis, sanguinem copiosius mittis?

Nec malè : At hîc ingenti & subitâ opus Revulsione ; cruor è cerebro citò dimovendus. Ad Saphanæ sectionem certior properas ? Heu ! Quid agis ? Tenellis floribus Aultrum immittis. Saphanâ sectâ viam arterioso sanguini liberiozem patas : sed nonne vides hoc ipso factum perimi ? Certissimum. Proflisient è Saphanâ sanguine, magna in Aortam inferiorem creatur derivatio ; hujus, quæcumque ab Aortâ inferiori sobolescunt arteriæ, participes. Ergò & hanc eandem derivationem persentiet uterus, fœtusque utero conclusus nimîâ sanguinis quantitate suffocabitur. Emetica propinanda jubes ? An-
cipiti gladiò feris ; oleum addis flammæ. Contractis scilicet abdominalibus musculis, concussis, ventriculo, caterisque visceribus, sanguineus latex novus morbi fomes, in Aortæ superiores ramos, vi novâ protruditur. Ad Cathartica veluti ad salutis anchoram confugis ? Movent ista quidem ; at nihil promovent. Valida exhibes Parmica ? Illis agitata violentiùs cerebri medulla turbatur ; illis vividius conquassati pulmones disrumpuntur ; ab illis repetita ietuum series factum necat. Quid ergò ? An tota salus ægrotantis nullam sperare ? An quæ luxuriat auxiliis Medicina, hîc manca ? Minimè. Prodit quid perdomari difficile ? Suas illicò opes undique colligit Medicina. Irrita aut dubia Pharmacorum virtus ? Non irrita manuum opera. His mutuatis & ritè parentibus noxii quidlibet eradicare Medicus impotens. Nota est in prægnante Apoplexiæ causa ; illam efficit nimia sanguinis quantitas, nimiaque uteri à fœtu distensio. Ergò quâvis ratione tollenda. Solita respuit auxilia ? Eecur ita dubius & anceps heres ? Peritas admoveto manus. Quid non boni proferent ? Manuum operatione potes factum ab Orco redimere, matremque mortis unguibus eripere.

I V.

HAUD mora : prostent obstetricantis manus peritæ, opus aggrediantur laudatè ; fatalis urget necessitas. Ergò prægnans situ convenienti collocetur ; humi in strato, vel in lecto, vel in cathedrâ idoneâ. Si supina in strato, vel in lectulo jaceat, huic crura, obversis ad nates calcibus, flectenda. Lumbis supponenda pulvinaria, ut his paulò altius elevata coccygis ossâ ab inferioribus non repellantur, sicque minùs obstant fœtus exclusioni. Tum ægrotanti hoc modo dispositæ, manibus oleo vel recenti butyro inunctis, obstetricans muliebria pertractabit ; collectos unâ digitos in vaginam immittet cautiùs, huc & illuc lentè contorquendo. Ità paulatim ad interius orificium devenient obstetricantis digiti. Hoc tunc temporis ; jam tantisper hiulcum, sæpè etiam largè patens observatum. At si minùs apertum, immisso primùm uno duntaxat digito, dein altero, post eosdem alternatim diducendo ab invicem, sensim sine sensu integrè dilatabitur orificium, & ad membranas usque factum involventes licebit penetrare. Membranae ex tempore rumpendæ, ut effluentibus aquis, tùm interna, tùm externa mulieris genitalia mollescant & lubricentur. Intercadum referato interiori uteri orificio, disrumpis membranis, manantibus aquis, situs & dispositio fœtus non omittenda. Quas offerat in ostio partes apprimè disquirendum. An prolapsum caput, an pedes diligentius observer obstetricans : ubi caput non deprehenderit, nec pedes senserit ; hos nulla cunctatione manu perquirat, ac demùm repertis factum extrahere satagar ; nec infaus-
tus successus. Fœtu ducto superest placenta ab utero citissimè revellenda. Ab ejus expulsiōe tota salus matris pendet. Ergò iterùm oleo oblinita manus in uterum mittenda ; quo facto extremis digitis exunguibz deglubenda.

4

placenta. Ex hac ultimiâ operatione miri sequentur effectus. Reclusis uteri vasis, cruor per eadem vasa quasi per Catharactas urceatim effluet. Quenam certior & tutior via subitæ Revulsioni? Quidquamne simile universa præstat Pharmacia? Quidquamne ceteræ Artis Chirurgicæ Operationes? Perpendas.

V.

UT perfectè curetur morbus, non sufficit integra morbi causæ cognitio; non remedium convenientium debita applicatio: removendum insuper quidquid aut periculi plenum, aut callos facit medicaminum effectus. Sic se habent acuti in gravidis. Apoplexia prægnantem invadit? Qui succurres? Vidisti: Medicamenta aut periculosa aut nullius virtutis; ægram non levant, fœtum necare possunt. Ergo tutius quid eligendum. Tutior sanè partûs promotio. Illo mediante matri & fœtui magna cedunt commoda. Excussis aquis, educto fœtu, extractâ placenta contrahitur uterus, vasa ejus sanguine turgida vacuantur, tollitur totius abdominis pressio: liberior per inferiora vasa fit sanguinis circuitus. Unde & sanguini nimîâ copiâ ad cerebrum protruso facilis conceditur retrocedendi locus. Sic minuitur in hoc viscere nervorum pressio. Præterea promovendo partum aliud boni sequitur. Quæ priûs inutilia, aut noxia fuissent remedia, jam maxime proficua. Jam sanguis è brachio, è pede sine discrimine mittitur; jam Catharticis, Emericis moveri viscera non periculum. Plura postulas? Unum addam; nec levis momenti. Gravidam, inquit Hipp. acuto morbo corripî lethale. Occumbit Prægnans? Perit & fœtus. At heu! in æternum perit. Quanto satius eum partu educere & sacris fontibus ablutum salvare?

Ergo prægnanti Apoplexiâ correpta Partus manu promovendus.

DOMINI DOCTORES DISPUTATURI.

<i>M. Joann. Baptista Boyer.</i>	<i>M. Franciscus Mery.</i>	<i>M. Claudius Vergne.</i>
<i>M. Desiderius - Claudius Fremont, Chirurgiæ Professor designatus.</i>	<i>M. Joan. Baptista Dubois, Scholarum Professor, Serenissimæ Principis primæ Dotaria de Conty Medicus, Regius Lector & Professor Medicinæ.</i>	<i>M. Jacobus - Benignus Winslow, Regiæ Scientiarum Academiæ, & Societatis Berolinensis Socius.</i>
<i>M. Bernardus de Jussieu, Regiæ Scientiarum Academiæ, Regiæque Societatis Londinensis Socius, & in Horto Regio Botanices Prodemonstrator.</i>	<i>M. Guillelmus - Josephus de l'Espine.</i>	<i>M. Antonius Pepin.</i>

autor. Proponebat Parisiis PETRUS ROUSSIN DE MONTABOURG, Constantienfis, Baccalaureus Medicus, A. R. S. H. 1732. à sextâ ad meridiem.